

ruffen/vnd dir Lob sprechen/für deine so vber-
schwängliche Gütehat / die du vns armen
Menschen/ die Zeit vnsers Lebens/ so gütli-
chen erzeiget vñ widerfahren läßt: Der du vns
zwar anfänglichen ganz heilig vnd gerecht er-
schaffen / vñnd auf einem nüchtigen Erden-
gloß/ nach dem Ebenbild deines Glanz vñnd
herzlichen Klarheit geformiret : in vollkomne-
ner Weisheit vñnd rechtem Verstand/vnser
Sinn vñ Gemüth/gezieret: den Leib/in wun-
der schöne herzigkeit / vnschuld vnd vnsterb-
lichkeit/gans perfect plasmiret: Demnach aber
der tausendlstige Schadenfroh / der leidige
Sathan/solchen vnseren heiligen/reinen vnd
vnbesleckten Zustandt keines wegs dulden/
noch leiden können: vnd durch sonderliche arg-
listige Practica in gestalt einer Schlangen/
Vnsere erste Eltern in dem schönen Lustgarten
des Paradeiß / mit falschem wohn hinder-
schlichen vnd beredt/ daß sie/ von der Frucht
der erkandnuß gutes vnd böses abgebrochen:
vñnd nicht allein zu ihrem großen nachtheit/
sondern auch zu allen ihren nachkommenden
eüsserstem verderben/davon gessen/ vñnd da-
durch die vollkommenheit vnd perfection vn-
serer Natur/in ein vnvolkommen schwachet
Leib verwandlet : den herzlichen hohen ver-
standt vnsers Gemüths/in ein verrückte/ ge-
schwächte vnd Sinnlose gedächtniß veren-
det/